



南巡盛典

名勝

卷二百四卷二百五

勝

784
1189
42





南巡盛典卷一百四

名勝

浙江

韞
菴
觀
渡

南巡盛典

卷一百四

名勝



誓同峰


韜光觀海

從雲林寺而西山徑屈曲松篁夾道草樹蒙
密晨曦穿漏如行深谷中約三四里始達韜
光菴懸崖結屋勢若凌空五六月中無暑氣
上至寺頂有石樓方丈正對錢江雲濤浩渺
直接海壘唐宋之間詩樓觀滄海日門對浙
江湖卽其地也

孤

高

峯



北高峯



牛山亭

三石亭

北高峯

在雲林寺後為湖上諸山最高之一峯也石
 磴數百級曲折三十六灣乃至峯頂憑高俯
 瞰羣山培塿湖水盃盃雲光倒垂萬象在下
 遙望浙江如匹練橫亘洵足游目騁懷超絕
 塵壒

雲
 林
 寺



雲林寺

在靈隱山之陰北高峯下卽古靈隱寺自晉
迄元明屢建屢燬

國朝重修大雄殿及諸堂宇樓閣


聖祖仁皇帝賜名雲林寺又

御書禪林法紀匾額及飛來峯三字並製詩章

皇上南巡數幸寺中

賞賚優渥

天章絢爛梵宇盤空香雲繞地爲禪林最勝界云



六和塔

宋開寶三年僧智覺於龍山月輪峯開山建塔以鎮江湖名六和塔並創塔院為開化寺國朝雍正十三年奉

勅鼎建乾隆十六年

聖駕南巡厘念海塘

特幸寺中

親登塔頂悉江流之曲折東望龕赭二山陽侯順軌海若不驚

聖情悅豫爰

親灑宸翰為文以紀盛事焉



聖訓新天

與風竟歸以文以詩

昭

慶

景



昭慶寺


唐乾德五年吳越王錢鏐建名菩提院宋太平興國三年築萬善戒壇七年改今額天禧時僧圓淨嘗做廬山慧遠結社於此王禹偁有昭慶寺華嚴社詩嗣後屢燬屢復

國朝康熙五十二年重建倚郭面湖稱為名刹舊有綠野堂碧玉軒藏經閣諸蹟今其址尙存

瑁

庖

棗



理安寺

在南山十八澗舊名法雨寺綠嶂百重清泉萬轉神木靈草四時敷榮宋理宗時改為理安


國朝康熙五十三年

聖祖仁皇帝發帑重建置寺山千畝齋田二百餘畝御書石磬正音及理安寺匾額又對聯二副雍正五年

御書慈悲自在及曹溪人瑞匾額又對聯二副並崇奉殿門其內有松巔閣法雨泉最為清勝



虎跑寺山門



虎跑寺山門

虎跑寺山門

虎跑寺山門

虎跑泉

在大悲山上泉清潔而甘相傳唐元和僧性空棲禪此山尋以無水將他適忽有二虎跑山出泉甘冽異常因名虎跑泉

聖祖仁皇帝臨幸西湖

御製詩二章并序於是勝蹟名泉益擅湖山之美矣

水

樂

洞




水樂洞

在烟霞嶺下四望林巒聳秀巖石蟠結有洞
 深窈莫測夏涼而冬温清泉自洞底出奔赴
 礧谷虛響泠泠然作金石聲宋守鄭獬題曰
 水樂蘇軾為詩紀之其旁僧居乃吳越時所
 創名西關淨化院有碑記龕置石間俗呼點
 石菴

宗

陽

宮




宗陽宮

在吳山東北卽宋高宗德壽宮也淳熙中更名重華咸淳中改爲道院曰宗陽初高宗以此爲北內鑿池引水壘石爲山象飛來峰建冷泉亭規制宏麗元明間漸以餘地割爲官署民居故址所存不及十之二三舊有苔梅芙蓉石鐫其狀於碑相傳爲明藍瑛畫我皇上聖明天縱博綜舊典靡不攷覈精詳恭逢翠華四幸幾餘臨視始知梅乃孫欂而石實藍瑛御製詩章并記以正其訛於是荒碑實蹟表著人寰矣

寶天

臨樂荷花美... 以五其...

川
司
而
卅



小有天園

在淨慈寺西慧日峰下舊名壑菴遊人稱為
賽西湖後闢為園上構南山亭以供遐眺拾
級而登有幽居洞歡喜巖琴臺司馬光摩崖
隸書家人卦諸蹟乾隆十六年

聖駕臨幸

賜名小有天園

憐

雨

天



法雲寺

在赤山舊名慧因禪院宋元豐時僧靜源居此疏釋經義傳播遠域高麗國王子以金書華嚴經三百部并經閣之貲附貢舶以進因呼為高麗寺寺前為慧因澗乾隆二十二年



聖駕臨幸

賜名法雲寺

瑞

石

澗



瑞石洞

在瑞石山麓有宋米芾書第一山三字由半山亭而上為觀音洞壽星石青芙蓉石再上即瑞石洞洞頂有飛來石神鏤天鏟嵌空下垂旁為丁仙閣元道士丁野鶴棄俗棲真處其間秀石瓌瓏巖竇窳窳清幽徹骨空翠撲肌湖山奧區罕有倫匹也

黃山積翠




黃山積翠

在棲霞嶺後宋淳祐間僧慧開字無門說法
 吳興黃龍山後卓錫於此有石谿銜不合如
 蠅忽然出泉色紺而冽人以為龍隨錫至因
 名黃龍洞亦名無門洞嗣剏禪院院前層崖
 聳峙長松修竹互相掩映望之蒼翠欲滴洞
 中鑿石為佛像喧埃不到足以離垢滌凡超
 然塵埃之外

南巡盛典卷一百五

名勝 浙江

雷 餘 山 崖




留餘山居

在南高峰陰里人陶驥別業奇石峭拔因山高下架屋數楹上為聽泉亭泉從石罅出琤琤不絕如奏琴筑每遇雨餘則飛瀑直注宛同匹練下瀦為池澄澈可鑑毛髮中構平橋以通步履亭後循磴而上為流觀亭振衣俯視縈青繚白江湖皆在鳥下乃南山勝地也
乾隆二十二年


聖駕臨幸

御題留餘山居

天文璀璨永擅南山之勝云



湖谷曰蘭園
翠華園
山衣





漪園

在雷峰西照亭下舊有白雲菴相傳建於前
明乾隆二十年重葺長廊繞閣鏡水通湖魚
鳥親人雲山入畫一邱一壑之勝亦足助湖
山秀色乾隆二十二年

翠華臨幸

賜名曰漪園

吟香影業




吟香別業

在孤山放鶴亭之南舊稱勾留處前浙撫臣
 范承謨陞任去杭時取白樂天未能拋得杭
 州去一半勾留是此湖句書勾留處三大字
 揭於湖心亭後移額建亭於此亭臨方塘清
 瑩如鑑塘內悉栽荷花花時風來四面香滿
 一亭綠蓋紅衣足供吟賞又稱吟香別業

龍

井




龍井

在風篁嶺本名龍泓泉自崖腹湧出傳有龍宅焉旁有立石上鐫神運字餘多漶漫不可讀唐乾祐二年建寺井上名報國看經院宋改壽聖元豐時僧辨才歸老於此與蘇軾趙抃秦觀米芾友善名蹟頗多今皆不可考惟過溪橋猶存以辨才送蘇軾過此得名左有片石青潤瓊瓏若神工鏤琢舊稱一片雲其旁有歸雲洞前有滌心沼修篁夾道林壑幽邃烟霞繚繞氣象萬千產茶爲諸山冠宋趙抃有龍泓亭上點龍茶句明屠隆作龍井茶歌碑刻存焉



鳳凰山



鳳凰山



在正陽門外山形如鳳因以得名山右勝果寺創自隋開皇年間旁多秀石翠靄層疊如雲中有巨石矗起曰躍雲從此經月巖登高峰頂平似掌烟嵐攢擁奇勝罕匹中爲徘徊石再上爲四顧坪

翠華臨幸

御書賜名曰澄觀臺左瞰西湖右臨大江前望海門後繞浙水不獨山川壯麗民物殷阜實爲

東南都會而我

國家繡壤交錯含育生聚之盛盈寧康樂之象舉目而畢現云



六一泉



在孤山西南舊名孤山寺至宋改廣化寺蘇軾守郡時與僧慧勤懷歐陽修而泉出講堂後遂名六一為之作銘嗣後地經數改栢堂竹閣杳不可尋獨此泉涓涓不涸明時作石屋覆泉上重刻銘序紀載勝蹟乾隆三十年翠華巡幸守吏量加修葺用備

宸覽

卍

佛



壽



大佛寺

在錢塘門外石佛山以巨石得名世傳秦時
 纜船卽此巨石宋宣和間僧思淨就石鐫開
 佛面并露肩項一若湧地化現滿月初升構
 殿覆之遂名大佛禪寺石壁下有沁雪泉至
 今澄泓不涸由宋迄明時圯時葺而法象森
 然歷劫不毀





安瀾園

在海寧縣拱辰門內初名隅園前大學士陳元龍之別業也鏡水淪漣樓臺掩映奇峰恠石秀削瓊瓏古木修篁蒼翠蒼鬱乾隆二十七年

皇上親閱海塘

駐蹕於此



賜名安瀾園

鎮

澗

塔

院




鎮海塔院

在海寧縣春熙門外瀕海枕塘明萬歷時建
舊名占鰲塔高一百五十尺廣周九十六尺
圍廊翼欄階以石磴盤旋穿繞堪達七級之
巔左有平臺一座拾級而登滄溟在目每逢
潮汐銀濤雪浪排空而至洵為鉅觀

占鰲

陔



禹陵

在會稽山葬時窆石尚存陵前有禹井禹池
禹碑陵之左為廟舊志有梅梁石船鐵履水
劍諸物今無考康熙二十八年

聖祖仁皇帝南巡

親詣陵廟致祭

御題地平天成匾額及對聯一副並製詩章

皇上省方幸浙

御製祭文

親臨奠獻

典禮攸崇神人胥悅

天章雲漢照輝山陵益昭明德之遠云



南鎮

在會稽縣城南昔禹登茅山以朝諸侯遂名曰會稽又曰鎮山唐開元中封會稽山神曰永興公號南鎮立廟山麓奠位離方歷代以來遞加封爵

國朝有大慶典皆遣官祭告云

蘭

亭



蘭亭

山陰縣城西有蘭渚上有亭曰蘭亭晉王羲之與謝安孫統輩四十一人修禊於此地多修竹甃池壘石為流觴曲水之勝人各賦詩羲之為序

聖祖仁皇帝御書大字蘭亭序

特命刑部員外郎宋駿業恭摹勒石建亭其處重修葺蘭亭立右軍祠堂於亭後

臣謹按軒后合符釜山以著夏王大饗釣臺

以彰自古名勝之傳傳之端自神聖而扶輿

瓌淑之氣竅於山川又至人之心所深契也

皇上豫幸萬邦百禮具備萬化覃洽伏見

翠輦所至靈巖秀谷鬱蔥而齋淪者亦咸以屢霑

渥寵而氣象日新其間名勝之區不可殫述而藉

藉志傳者直隸則阪泉涿鹿有黃帝之遺烈

焉燕南趙北滹沱之所經也河間獻王好儒

術而韓嬰毛萇之故居皆近在百里山東則

泰岱巖巖雄長五嶽而闕里之堂洙泗之澤
餘風彌長江南則黃流奔駛江淮灝瀚固稱
宇內鉅觀而維揚金陵姑蘇溪光山色呈妍
獻奇應接不暇浙江則西湖四面環山俯映
碧波圓瑩若鏡勝蹟甚多涉江而來則又有
會稽山陰千巖萬壑之狀蓋吳越之間島嶼
綿邈洲渚憑隆地勢坱圠卉木妖蔓名勝原
甲天下也凡遇藪為圃值林為苑並於是乎
在不役一民不煩一費惟以覽動靜之機觀

樂壽之妙

靈臺靈沼有那其居旁及於初地丹臺諸境合數
千里巖巒澗壑草樹禽魚無不濯沐

榮施矣而

寶墨璇章賁雲霄而懸日月氣之聚水之鍾復丕
煥於法象之

大丈夫以助以休之典述

祖德也承

慈慶也

玉軌循行之地率

思友舊臨之地而

貽謀之作摘藻載賡

壽康之興扶輪送喜則古所謂日之再中海之重潤

曷足方斯隆軌乎漢臣司馬相如曰名山顯

位望聖君之來彼為封禪之文誠不足道然

言乎其理則

至德之人天訢合固有確乎可信者其說非不根

也若夫

松雲棟宇新建之所則地載神氣方駕名勝而

上之敬首列圖經以垂示萬禩云 臣高晉恭

紀

